

بسم الله الرحمن الرحيم

الدرس الثالث تفسير (سورة التكوير)

الحمد لله وكفي وصلاته وسلام علي عباده الذين أصطفى اللهم لك الحمد كله ولك الملك كله وببيدك الخير كله واليك يرجع الأمر كله اللهم صلي علي عبدك ونبيك محمد صلي الله عليه وسلم في الاولين والآخرين وفي كل وقت وحين أما بعد أخواتنا الكريمات ربنا يحفظكم ربنا يبارك فيكم يارب وربنا يسددكم وربنا ينفع بكم ويارب بإذن الله سبحانه وتعالى يعني يستخرج منكم ثمره عظيمه يارب ان شاء الله بإذن الله

نستأنف سورة التكوير دلوقتي أنا معايا مفاجاه بقا البشمةهندس علي زياده يعني مسئول ماده التربيه بالمصاحبه لدفعه ثانيه معايا دلوقتي وأخبار التحدي الكبير الي عملھولكم ايه ؟ أنا سامع انه ماشاء الله عايز ينطلق إنطلاقات تربويه جامده وعشمان فيكم خير مش عارف بقا أنتوا منطلقين ولا الاخبار ايه يااخوانا أنتوا كده بصوا دفعه ثالثه معاها 3 نجوم ماده التربيه بالمصاحبه البشمةهندس علي ماده علوم القرآن الشيخ عادل شوشه ماده الحب والحياه دكتور أحمد سعد .. أنا كده ارواح بيتنا بقا ياجماعه طلب منكم عمل بطولي يوم عرفه ماشاء الله يام خديجه عملتوا ولاعملتوش ؟ ربنا يحفظكم ويبارك فيكم يارب

عموما شويه كده نشيك ونشوف أنتوا منطلقين معاه ولا الاخبار ايه ؟ ولكن تعالوا إحنا نخلص سورة التكوير بسرعه ياجماعه إن شاء الله بإذن الله جاهزين ننطلق إن شاء الله بإذن الله بسم الله والصلاه والسلام علي رسول الله ..

النهارده هندخل إضاءات علي الشرح للآيات بعد المره الي فاتت مأخذنا مقدمات كثيره للسوره **إِذَا الشَّمْسُ كُوِّرَتْ ..** قولنا يعني ايه كورت ضمت بعضها علي بعض فصارت صغيره زي الكره الارضيه كده بقا صلبه ومظلمه وأنطفأ نورها

طيب هتكور ليه ؟ عشان هتلق في جهنم هتصبح حجر من أحجار جهنم يعني الشمس الي درجه حرارتها 15 مليون درجه منويه دي هتبقى مجرد حجر من أحجار جهنم الشمس قصتها خلصت من بدري أوي أوي ياجماعه **وَإِذَا النُّجُومُ انْكَدَرَتْ ..** الإنكدار ليه 3 معاني ..

المعني الاول : أظلمت

المعني الثاني : من الكدره الي هو ضد الصفاء الي هي أسودت وأظلمت يبقي إسوداد السماء واللون المرعب للسماء

المعني الثالث : إنكدرت يعني هجمت علي الارض , النجوم والمجرات والافلاك هجمت علي الارض إنكدر القوم علي القوم أي هجموا عليهم فجأه .. ياجماعه ده هيجصل أمتي قولنا إن فيه قولين .. إن فيه 3 نفخات ,

نفخه الفرع الي هي النفخه الاولى الي كله بيفرع عندها

بعد كده فيه نفخه الصعق الي كله بيموت عندها

بعد كده فيه نفخه البعث الي كله بيصحي عندها

ففيه قولين إن الآيات دي بتحصل فيه مفسرين قالوا عند نفخه الفرع الي هي النفخه الاولى

وفيه مفسرين قالوا عند نفخه البعث الي هي النفخه الثالثه ولعلها عند كلاهما وده الاوفق فى تجميع الايات إنه بيحصل إنقلاب كوني هائل سواء عند نفخه الفزع أو عند نفخه البعث يبقى فيه حاجه إسمها زمن حدوث الايات , ده غير زمن نزول الايات ياجماعه زمن نزول الايات سوره التكويد نازله امتي ؟ دي سادس سوره من العشره الاولي يبقى دي فى المرحله السريه دي زمن نزول الايات .. ده غير زمن حدوث الايات وقولنا زمن حدوث الايات ده لازم بندرسه عند نوعين من الايات آيات الدار الاخره ..آيات يوم القيامه لان يوم القيامه كبير جدا 50 الف سنه دي امتي فيه دي فى العرض ولا فى الصراط ولا فى القنطره ولا فى الميزان ولا فى البعث ولا فى الحشر دي امتي ؟ وقولنا إن الحاجه الثانيه الي لازم ندرس فيها زمن حدوث الايات القصص القرآني .. القصه دي غير إنها نزلت امتي , حصلت امتي ؟

يعني قصه المائده والحواريين نزلت مع سوره المائده دي ممكن آخر قصه قرآنيه نزلت أصلا لان سوره المائده آخر سوره طويله نزلت فى القرآن كله فده زمن نزولها إنما زمن حدوثها دي امتي فى حياه سيدنا عيسى ؟ امتي حصل الموقف ده هل فى المرحله السريه بتاع دعوه سيدنا عيسى وهو لسه بيربي ولا فى المرحله الجهرية وهو بيؤذي وببشتغل ولا حصلت قبل الرفع ولا حصلت امتي ؟ ماحياه سيدنا عيسى مراحل ولازم نبقي فاهمين فى اي مرحله عشان زي مالبظبط كده سور القرآن السور الي بتتكلم عن السيره النبويه وتوجيهات للنبي عليه الصلاه والسلام نيجي نقول بقا دي نزلت امتي ؟ ليه ؟ عشان نعرف بقا دي فى المرحله السريه ولا الجهرية ولا الشعب ولا نهايه مكه ولا فى المدينه المنوره ولا دي قبل موت النبي ولا دي بعد عام الوفود ليه بقا ؟ عشان نبقي فاهمين ياخوانا لازم نربط النص بالواقع عشان نقدر ان احنا نستخرج من النص قمه الفائده باذن الله سبحانه وتعالى

طيب يبقى إذا احنا ماشيين علي انها عند نفخه الثالثه الي نفخه البعث ده القول الاساسي .. يعني إن أنا أبقي فاهم عليه هذه الايات يبقى كل ده بيحصل فى البعث كل ده تجهيز لمسرح الاحداث كل ده المشهد الي الناس هتبعث عليه كل ده ياجماعه أول دقائق فى يوم القيامه

وَإِذَا الْعِشَارُ عُطِّلَتْ .. العشار ليها 3 معاني

المعني الاول : الابل الي فى الشهر العاشر يعني دنيا حامل فى دنيا أبل وحوامل فى أبل عطلت بقا يعني أيه .. معدش حد ببصص للاموال والدولارات والذهب البنوك مليانه سبايك ذهب محدش بيفكر يدخل

المعني الثاني للعشار .. السحاب المحمل بالمطر يعني إيه السحاب المحمل بالمطر يعني السحاب الدنيا تيجي وفجأه كل حاجه يتخسف بها يعني هتبقى صدمه وزلازال نفسي رهيب أكثر ماهي زلازال بدني والناس مستنيه الخير فى قمته فجأه الكرب ينهمر

المعني الثالث للعشار من المعاشره ومن الانس بين الكائنات أن المعاشره هتنتهي تماما سواء بين البشر أو بين حتي الكائنات معدش هيبقي فيه معاشره كل العلاقات البشريه والانس البشري هينهار كل

العواطف البشريه هتنتهار زي ماقولنا فى أول سوره المعارج (يَبْصُرُونَهُمْ ۖ يَدُّ الْمُجْرِمَ لَوْ يَفْتَدِي مِنْ عَذَابِ يَوْمِئِذٍ بَبْنِيهِ") وزى ماقولنا فى أول سوره الحج " (يَوْمَ تَرَوْنَهَا تَذْهَلُ كُلُّ مُرْضِعَةٍ عَمَّا أَرْضَعَتْ" الصحوبيه بتنتهي , الانتمه بتنتهي , علاقات الحب بتنتهي , العلاقات الاسريه والزوجيه بتنتهي , النوادي .. كل حاجه والدليل علي كده أن الايه الي بعدها

وَإِذَا الْوُحُوشُ حُشِرَتْ "العشار عكس الوحوش .. العشار من العشرة والانس والوحوش من التوحش والوحشه , الوحشه عكس آيه ؟ العشره . فتخلوا بقا لما العلاقات البشريه تعطل ,, طيب تعطل دي لما يقولك فيه عطله رسميه يعني الدنيا هتتعطل والاشغال هتتعطل وترجع تشتغل ثاني عطلت العلاقات البشريه هتتعطل فتره وبعد كده هترجع ثاني بس بقا آيه فى الجنه علاقات الانس هي علاقات الصالحين بس . معدش هيبقي فيه علاقه مابين صالح ومابين فاسد بس ..

وَإِذَا الْوُحُوشُ حُشِرَتْ .. يعني العشار الي هي الابل قدام الوحوش والوحوش مش بتقرب منها الوحوش نفسها بترتجف من الرعب زي ماقولنا ان الرابط هو عذاب الرعب

وَإِذَا الْبِحَارُ سُجِّرَتْ .. المعني الاول انها بقت نار ولعت خلاص الاكسجين اتفك من الهيدروجين وكل حاجه ولعت يعني تخلوا كده كأن البحار والمحيطات بقت مخلوقه من بنزين واتحولت بدل الميه بنزين 81 من حجم الارض بقي حريقه عشان كده ربنا بيقول ماله من دافع مين يقدر يطفئ حريقه ويدفع حريقه فى 81 فى الميه من حجم الكره الارضيه .. مين يقدر يدفع ملائكه السموات وهي نازله تقبض علي البشر مين الي يقدر يدفع زلازل القيامه مين الي يقدر يدفع إنكدار نجوم السماء علي الارض وهجومها علي الارض

المعني الثاني **وَإِذَا الْبِحَارُ سُجِّرَتْ** .. أي اختلط العذب بالمالح والاختلاط مابين المخلوقات ده من مشاهد القيامه المؤثره أختلاط البحار والمحيطات والانهار , إختلاط الجبال " **وتكون الجبال كالهن المنفوش** " العهن الي هو الصوف مختلط الالوان طيب كل جبل لون ده معناه ان كل جبال الارض هتتطاير وتتداخل مع بعضها .. يبقي ده بقا آيه إذا البحار سجرت ' بعد كده

وَإِذَا النُّفُوسُ زُوِّجَتْ بقا : تخلوا بقا آيه الزناه مع بعض واحد زاني يلاقي نفسه وسط زناه واحد مجرم يلاقي نفسه وسط المجرمين ده مشهد رعب ياجماعه

الطائع مع الطائعين ده مشهد طمأنه رهيب العاصي هيزداد رعب والطائع هيزداد أمان علي أمان متنسوش الي أنا قلته عن زمن الحدوث غير زمن النزول ..

زمن الحدوث ال 12 مشهد دول بيحصلوا أمتي ؟ ال 12 مشهد دول تلخيص ليوم القيامه ..

"إذا الشمس كورت " ده فى البعث ..

" إذا النجوم إنكدرت " ده فى البعث ..

"إذا النفوس زوجت " ده فى الحشر ..

"الصحف نشرت " ده فى الحشر ..

"السماء كشطت " ده فى الحشر ..

"المؤده سئلت " ده قبل العرض علي طول .. يعني نهايه الحشر وبدايه العرض علي الله يعني الايات دي مختلطه مابين البعث والحشر والعرض علي الله

يعني لازم نفهم ياجماعه إنها مش مرحله واحده لازم نفهم أن يوم القيامه ده مراحل وإن الايات الي بنتكلم عنها دي دلوقتي دي بتوصفلك ملخص ليوم الدين بعث وحشر وعرض علي الله سبحانه وتعالى

" **وَإِذَا الْمَوْؤُودَةُ سُئِلَتْ بِأَيِّ ذَنْبٍ قُتِلَتْ** " يعني الايه دي لانسى برنارد شو لما كنت بقرأ بقا وهو متأثر

بيها جدا وهو متأثر بمعني العدالة فى الايات القرآنيه .. يعني المؤده هتسأل يوم القيامه بأي ذنب قتلت

أمال بقا المجرمين هيتعملهم محاكمه شكلها آيه ؟ يعني سبحانه الله الي بيقراً القرآن بينبهر ولكن بيقول

همشي مع دول المسلمين بقا يعني صورته المسلمين عند الغرب صورته بشعه ياخوانا صورته بشعه فى

التخلف والتفرق وعدم الحضاريه وعدم الاخلاق شوفوا واحد زي ده عالم من اعلام الغرب مبهور

بالاسلام ولكن يقولك لا ياعم انا مش هدخل ايه أتشتتم
وإذا المؤده سنلت .. الطفله الصغيره الي كانوا بيؤدوها لانها بنت تكريم المرأه فى الاسلام يعني فى
الجاهليه الطفله عند الولاده بتتؤد عند الولاده بتدفن ولو ماتت وهي شابه بيفرحوا كان يقولك زمان فى
العرب نعم الصهر القبر يعني أجمل عريس يجي يتقدم لبنتي هي التربيه أنها تموت وتدفن تخيلوا بقا
العرب كانوا بيورثوا المرأه , المرأه نفسها تتأخذ ورث - تتأخذ ورث
المرأه لو خلفت بنت ورا بنت ممكن تتطلق وتبقي مرعوبه أصل تخلف بنت كمان ممكن تتطلق غير الدين
المرأه ايه ؟ المرأه مجرد سلعه يتمتع بها ثم تلقي ولا يلتفت لها
الاسلام هو الي رفع قدرك ومن لم يستطع منكم طولاً أن ينكح المؤمنات (طولاً دي أنت تطول أنك تتجوز
واحد من المؤمنات

طولا كلمه خطيره جدا حتي كلمه التبرج والخروج من البرج أنت فى برج عالي .. المحصنات يعني أنت
فى حصن الاسلام أداك تكريم عظيم جدا جدا المفروض ان كل مسلمة ترفع راسها وتؤدي حق هذا
الدين بانها تسخر حياتها فى الدعوه اليه .. الحمد لله فعلا الذي أعزنا بالاسلام أختنا الكريمه

وَإِذَا السَّمَاءُ كُشِطَتْ..الكشط هو سلخ جلد الناقه أو سلخ جلد الابل بعد ذبحها

عارفين القشطه أما يشيلوا وش اللبن كده ويقولك ده القشطه فالسما لما بتكشط بقا وتظهر ملائكه
السموات وعرش الله ويظهر ملائكه الغيب يعني فيه ناس كتير مكنتش شايفه المشاهد المزله الي وراء
هذه السماء يعني السماء مظهله والي وراها مذهب اكثر فلما السماء بتكشط بقا تخيلوا بقا وتتنزل ملائكه
السموات السبع مشهد مهيب

وَإِذَا الْجَحِيمُ سُعِّرَتْ: الجحيم دي اصلا النار ذات الطبقات الوقود يعني وقود علي وقود علي وقود علي
وقود يولعوا كلهم يبقي اسمها جحيم يعني اتحط طبقات حطب فوق بعضها فبقي اسمها ايه جحيم , يعني
الجحيم دي ان الوقود بقا طبقات وان النار بقا طبقات وان النار شديده العمق وان النار شديده الضيق
يعني أمتي تتسمي جحيم ؟

1- لما يكون الوقود طبقات

2- العمق رهيب

3- الضيق شديد

4- النار موجهه علي الاجساد

يبقي فى الحاله دي يبقي اسمه ايه ؟ جحيم عيادا بالله

يعني البشر بيوضعوا مكان الوقود لان البشر بيبقوا طبقات فوق بعض بيبقي البشر هما وقود النار زي
ماربنا بيقول فككبوا فيها .. حتي إذا أداركوا فيها يعني كلهم بيبقوا مولعين علي بعض عشان ربنا
يحفظنا يارب كلهم وقود لبعض اصلا يعني وي ماكانوا بيعينوا بعض علي المعصيه فى الدنيا وهم لهم
جند محضرون قاعدين عندهم جنديه للباطل وبيعينوا بعض ففي النار كل واحد جسمه يولع يولع فى
التاني

وَإِذَا الْجَنَّةُ أُزْلِفَتْ.. تخيلوا بقا كولدير ميه بس فى الواقع ده كده , قلله ميه طيب افرض اوبن بوفيه

يعني مشاهد رهيبه ياجماعه بس مين الي يعيش بقلبه مع هذه المشاهد الرهيبه دي فى الاخر ربنا
بيقولك ايه علمت نفس مااحضرت , شوفي ربنا بيقولك يعني ايه علمت نفس ؟ يعني بكره هتعرفي بكره
هتعرف بكره ياكل واحد غفل ياكل واحده أتجرات علي حرمت ربنا بكره ياكل واحد اتجرا علي الله ياكل
واحد اغضب الله ياكل واحد تبرجت ياكل واحد حارب الدعاه الي الله يعني بكره تعرفوا علمت نفس

ماحضرت يعني معني صعب اوي اوي ان ده يتقال لاصحاب النبي عليه الصلاه والسلام فى البدايه كان ربنا بيقول بكره هتفوقوا وبكره كل الناس هتفوقوا الصحابه كانوا بيقيموا بهذه السور القصيره شهوور ياجماعه عايزين نقوم بهذه السور ونتقرب الي الله سبحانه وتعالى ونتقرب الي الله سبحانه وتعالى بهذه المعاني الي غيرت حياه اصحاب النبي عليه الصلاه والسلام
يبقي قولنا ان النصف الاول 6 مشاهد من البعث (الشمس كورت _ النجوم أنكدرت _ جبال سيرت _
عشار عطلت _ وحوش حشرت _ بحار سجرت)

و 6 مشاهد من الحشر (النفوس زوجت - المؤده سنلت - الصحف نشرت - السماء كشتت - الجحيم سعرت - الجنه أزلقت) يعني سبحان الله العظيم 6 مشاهد طيب ..ليه هنا بقا إيثار كلمه النفس علي كلمه الانسان ؟ مش علم الانسان ما احضر مش علمت نفس ؟
لان النفس هي السبب فى الجدل فى الطاعه والمعصيه هي السبب فى عمل الانسان , خطوره النفس فى الجزء 30 ياجماعه يعني معني لازم نتكلم فيه دايم فى الجزء 30 عشان كده ربنا بيتكلم علي النفس فى الجزء 30 لما بتنزل اوي

" ثم رددناه أسفل سافلين " لما بيبقي فيه بشر سفله عيادا بالله من كتر مانفوسهم اتحكمت فيهم
"يمنعون الماعون " من مشاهد نزول النفس فى الجزء 30 وفيه مشاهد تانيه فى علو النفس فى الجزء 30 " فوسطن به جمعا " " فلا أقتحم العقبه " " وفي ذلك فليتنافس المتنافسون " " يأيتهما النفس
المطمئنه " يبقي الجزء 30 جايب أحط مشاهد دنو النفس واعلي مشاهد اقبال النفس وازاي لما النفس
بتتغير وجهتها

يبقي قولنا ترتيب هذه المشاهد وليه ربنا سبحانه وتعالى تكلم عن يوم القيامه بكل هذا الفرع طيب ماكان كل واحد يطلع من تحت التراب وخلص يدخل جنه او يدخل نار ليه ياخوانا يوم القيامه بالمنظر ده ؟
لثلاث اسباب ..

1- لايقاظ الانسان علي مدي قدره الله عليه يعني لما الانسان يشوف الكون بالرعب ده ويشوف الكون بالانقلاب ده لما يشوف جنود ربنا بالجنديه ده يعرف مدي قدره الله عليه قد أيه ربنا كان قادر عليه فى الدنيا بس ربنا الي كان حليم

2- لايقاظ الانسان علي مدي جرائمه التي لدرجه تستحق كل هذا الغضب من الله وكل هذا الغضب من الكون وكل هذا الانقلاب من الكون الي ماشيه متبرجه وبتفتن المسلمين هي مش مقدره هي مجرمه قد ايه ؟ مش فاهمه يعني ايه الحديث المروي عن النبي عليه الصلاه والسلام " العنوهن فانهن ملعونات " الانسان مش مقدر بخطوره الجرائم الي عملها عشان كده ربنا بيقول " ينبأ الانسان يومئذ بما قدم واخر " يعني ده عمل كوارث

3- لايقاظ الانسان علي مدي الغفله التي كان فيها عن عظمه الله سبحانه وتعالى
نبدأ ندخل فى الجزء الثاني من سوره التكوير ..

من أول قول الله تعالى " **فَلَا أُقْسِمُ بِالْخُنُوسِ الْجَوَارِ الْكُنُوسِ** " خذوا بالكم ياخوانا أحنا دلوقتي مع سوره خطيره الاثر أيه أثرها عليكي بقا ؟ يعني سوره التكوير جت قبل سوره المطففين من السور التي انتهت ظاهره التطفيف , سوره التكوير نزلت قبل سوره الاعلي الي خلت ابوبكر يطلع ماله كله فى سوره الليل يعني كل السور الي قبل سوره الليل شاركت ان ابوبكر يطلع كل ماله يعني سور كان ليها اعجاز تغييرى رهيب علي أصحاب النبي عليه الصلاه والسلام سواء المهاجرين الي خلت ابوبكر يطلع كل امواله فى مكه او الانصار الي طالعوها مره تانيه وقضت علي ظاهره التطفيف وظاهره الغش التجاري

نبدأ بقا في النصف الثاني قول الله " **فَلَا أُقْسِمُ بِالْخُنُوسِ الْجَوَارِ الْكُنُوسِ** " الكون بقا وهو جميل الخنس بقا النجوم والكواكب بقا وهي بتتحرك في مدارتها **وَاللَّيْلِ إِذَا عَسْعَسَ وَالصُّبْحِ إِذَا تَنَفَّسَ** " دوره الليل بالنهار بقا ومشاهد الكون المبدعه الكون الي كان مقلوب في النصف الاول دلوقتي بقا جميل يبقي انت هتفوقي امتي والنجوم بتنقض عليك يوم القيامة ولا هتفوقي والنجوم في غايه الجمال بقا خنس وجوار كنس وقاعده تلف في مدارتها يعني لو مفوقتيش بالليل والصبح بقا وهما في غايه الجمال هتفوقي لما الشمس تكور والليل يبقي مرعب هتفوقي لما الصبح يختفي ومعدش يبقي فيه صبح يتنفس يبقي النص الاول من السوره الكون المنقلب والنص الثاني الكون الجميل كأن المعني هتفوقي امتي ؟

عباده التدبر ياجماعه شوفوا ربنا بيتكلم عن التدبر في الكون ازاي وشوفوا اول سور في القرآن بيتكلم عن التدبر بمعاني عاليه ازاي ؟ دوره سته علي سته الي بديتها معاكم في عشره ذي الحجه الي كانت بتتبت علي الفيس عن التدبر ان شاء الله ناوي اكملها ان شاء الله باذن الله اسال الله التيسير والمدد يبقي لقاء اسبوعي كده لان عباده التدبر دي عايزه استمرار عظيم انا فرحان اوي اوي اوي بجلسات التدبر الي انتوا بتعملوها في الورش الايمانيه وبتنزلوها اي حد بيعمل ورش تدبر او حلسه تدبر في الورش ان شاء الله ينزلها علي الجروب بتاع المعهد ان شاء الله باذن الله

الله عز وجل بيقسم بالكون بيقسم بالكون علي ايه ؟ إنه لقول رسول كريم ,, يبقي الله بيقسم بالكون علي القرآن الله بيقسم بايات الله الكونيه علي ايات الله القرآنيه دول اعظم طريقين يوصلوكي الي الله اصلا علي قد حظك من عباده التدبر في الكون وحظك من الارتباط بالقران علي قد ما هتوصلي الي ربنا دول مضماري السبق الي الله سبحانه وتعالى عشان كده الجزء 30 بيتكلم عن التدبر قد ايه ؟

سوره عبس " **فلينظر الانسان الي طعامه** "

سوره النازعات " **ءأنتم أشد خلقا أم السماء بناها** "

سوره الفلق " **قل أعوذ برب الفلق** " إنفلاق النور بقا في الظلام

سوره الانشقاق " **فلا أقسم بالشفق والليل وما وسق** "

سوره النبأ " **جعلنا النهار معاشا** "

سوره النازعات " **رفع سمكها فسواها** "

يعني ياخوانا عباده التدبر في الكون عباده جباره الجزء 30 تكلم عنها كلام كثير جدا يبقي **إِنَّهُ لَقَوْلُ رَسُولٍ كَرِيمٍ..** الله اقسم بالكون علي القرآن كأن القرآن بيصدق الكون والكون بيصدق القرآن ولاثنين بيصدقوا بعض وكل ماترتبطي بالكون ترتبطي بالقران وكل ماترتبطي بالقران ترتبطي بالكون الاثنين بيوصلوا لبعض والاثنتين بيوصلوا الي الله سبحانه وتعالى

إِنَّهُ لَقَوْلُ رَسُولٍ كَرِيمٍ.. مين الرسول الكريم ده سيدنا جبريل بقا سيدنا جبريل الي ربنا إنتمنه علي القرآن , سيدنا جبريل مربى الانبياء الي ربي 120 الف نبي ورسول سيدنا جبريل ده شخصيه جباره ياخوانا في الكون يبقي دي صفات المربي في الكون دي صفات صاحب الرساله يبقي ربنا بيوصف سيدنا جبريل ويوصف ليه سيدنا جبريل ليه مكانه عند الله سبحانه وتعالى يبقي احنا نخرج من هنا بقا ازاي نرتبط بجبريل وازاي هو عظيم عليه الصلاه والسلام مربى الانبياء ومعلم 120 الف نبي ورسول وازاي نرتبط بالملائكه أصلا يعني الجزء 30 جزء الغيبات والارتباط بالملائكه حتي دلوقت ياجماعه هناخذ وماهو بقول شيطان رجيم يعني السوره جايبه الملائكه وجايبه الشياطين السوره بتفتح قلبك علي الغيب عشان كده ربنا في السوره يقول وماهو علي الغيب بضنين يعني فيه غيبات رهيبه في هذه السوره

دلوقتي عايزين نركز فى صفات جبريل عليه الصلاه والسلام .. صفات حامل الرساله (جبريل عليه السلام)

١/ اول صفه من صفات جبريل عليه السلام انه مرسل من عند الله اول صفه ان الله يصطفيك ان الله يختارك البدايه ان يختارك الله وعشان ربنا يختارك لازم تبقى من خيره الاخوه والاخوات لازم تبقى مليانه خير عشان ربنا يختاره بفضله ومنه وكرمه اول صفات المؤمن على الرساله انه اختيار الله سبحانه وتعالى

٢/ انه كريم عكس لنيم (**إِنَّهُ لَقَوْلُ رَسُولٍ كَرِيمٍ**) لنيم من الالتئام والاختلاط يعنى مخلط وجواه اغراض يعنى مش صافى مش عاوز ربنا وبس انما الكريم اللى بلا اغراض ولا اهواء متجرد لله ولدين الله مش عاوز حاجه غير ان الدين يعلو مش عايز حاجه غير انه يتصل بكتاب الله

٣/ ذى قوه شديد القوه زى ما ربنا قال فى سوره الفجر والا ٢٣ سنه طالع نازل بالوحى بلا إنقطاع دا محتاج قوه هائله غير قوته فى العباده غير قوته فى اهلاك الظالمين غير قوته فى قياده الملائكه !! يبقى الدعوه عايزه قوه الارتباط بالقرءان عاوز قوه التربيه بالقرءان عاوز قوه اللى عاوز يغير بالقرءان لازم يبقى انسان قوى عشان كده ربنا قال لسيدنا يحيى (**يَا يَحْيَى خُذِ الْكِتَابَ بِقُوَّةٍ ۖ وَآتَيْنَاهُ الْحُكْمَ صَبِيًّا**) (12) لازم الملتزم يبقى انسان قوى فى دينه لازم يبقى عنده قوه فى العباده وقوه فى الدعوه)

إِنَّهُ لَقَوْلُ رَسُولٍ كَرِيمٍ (19) ذِي قُوَّةٍ عِنْدَ ذِي الْعَرْشِ مَكِينٍ (20) عند ذى العرش مش عند الله لا دا بيحسسك بجلال الله وانت بتدعى وبيجدد صفات ربنا فى قلبك عشان كده الايه دى بتبهر قلبى

وتقديم عند ذى العرش قبل مكين ؟ مكين اى له مكانه ممكن فى السماء ممكن بين الملائكه اى له بامر الله سلطان فى السماء، ربنا قدم عند ذى العرش لان اهل مكه بسبب رفضهم للنبي صلى الله عليه وسلم مكانتهم فى الدنيا وصورتهم اللى كانوا عاوزين يحافظوا عليها !! ف النبي صلى الله عليه وسلم بيقولهم مش المهم المكانه عند الخلق المهم المكانه عند الخالق عشان كده ذى قوه

٤/ عند ذى العرش مكين لما بقى ليه مكانه عند الله جه بعدها **مَطَاعٍ نَّمَّ أَمِينٍ** بقى

٥/ مطاع عند الناس وعند الملائكه

يبقى لو ليكى مكانه عند الله ربنا هيديكى مكانه عند البشر وهيفتح ليكى قلوب البشر يبقى القضيه اننا نفكر فى مكاننا عند الله لا يضرهم ان البشر لا يعرفهم ولكن المهم ان الله يعرفهم ويعلمهم . يبقى القضيه انت ايه عند ربنا القضيه مش بشهرتك عند الناس !! ولا سيطك عند الناس ولا مستواك عند الناس القضيه هى انت عند ربنا ايه ؟! كل اللى علموا البخارى والشافعى و...و.. كلهم علماء ما حدش يعرف عنهم حاجه ولكن هما كانوا سبب فى كل حاجه !! يعنى انا مثلا عامل معهد انا واخوانى وبنديكوا دروس وما حدش يعرف مين السبب فى التزامنا احنا نفسنا !! ما يمكن اللى انا كان سبب فى التزامى ده ميت فى قبره وما حدش يعرف عنه حاجه بس كل ده فى ميزان حسناته هوا !! الشهره عند ربنا هى اللى ليها قيمه لكن عند الناس ليس لها اى قيمه ؛ يبقى عند ذى العرش المهم عند ربنا

خدوا بالكم لما كان فيه قوه جت مكين يبقى مكانتك عند ربنا ومقامك عنده على اد قوتك فى دين الله الله
يحب العبد القوى فى الدين القوى فى العباده القوى فى التضحيه القوى فى الدعوه الى الله سبحانه
وتعالى

طبعاً دروس خطيره جدا لما نحلل صفات سيدنا جبريل عليه السلام فنعرف سبب مكانه عند ربنا ايه !!
يبقى الايات دى بتوصف لنا الطريق عشلن يبقى لنا مكانه عند ربنا سبحانه وتعالى
وايضا بتخاطب المشركين وبتقولهم ي الى اغتريتوا بتمكينكم فى الارض ومكانتكم وسط الناس !! المهم
المكانه عند الله

عشان كده بعد المكانه دى **مَطَاعِ ثُمَّ أَمِينٍ** يعنى لما المقام عند الخالق جه المقام المخلوق جه نفهم بقى
الترتيب السليم

عشان كده إشتغلى فى الدعوه فى بلدك فى مكانك وسط اخواتك وما تقوليش انا مليش انصار لما يبقى
ليكى مقام عند الله ساعتها هيبقى ليك انصار من البشر واعوان من البشر هتبقى مطاع عندهم
خليكوا اقوياء ولو انتوا لوحدكم وربنا هيبعت ليكم المدد وربنا مش هيسيبكم لوحدكم أبدا

٦/ امين يعنى شايلى امانات عظمى وكبرى وسط البشر ومسؤوليات

كانوا بيسموا امين الفصل بالاسم ده لانه مؤتمن على حمل المسؤوليه الامانه هى تحمل المسؤوليه يبقى
اتحملى المسؤوليه وربنا هيصطفيكى

بعد كده صفات نبي الرحمة ♥ محمد صلى الله عليه وسلم ♥

عشان نعرف ربنا بيصطفى مين وبيختار مين سبحانه وتعالى :

وَمَا صَاحِبُكُمْ بِمَجْنُونٍ اول حاجه صاحبكم يبقى المصاحبه الدعوه عاوزه صحبه لازم صاحب الناس

نفى الله سبحانه وتعالى عن نبيه صلى الله عليه وسلم تهمة الجنون احنا دلوقتى ي جماعة فى سادس
سوره من البعته ومن اولها النبی صلى الله عليه وسلم اتشتتم من اولها اتقال عليه مجنون اللى كان بينهم
مسمى الصادق الامين من اولها يتهم بالجنون يا اخوانا احنا ما شفنش اى اذى يعنى لما ييقال عليك اى
حاجه فى طريق الدعوه فى سبيل الله يبقى اتقال على نبيك ما هو اشد

فيه ناس عاوزين يوصلوا الدين من غير سوره البروج اللى اتحرق فيها المؤمنين ! من غير سوره
الطارق اللى اصطدم فيها الحق بالباطل والباطل بيكيد للحق ؛ من غير سوره الفجر اللى ربنا قال **الَّذِينَ
طَغَوْا فِي الْبِلَادِ (11) فَأَكْثَرُوا فِيهَا الْفَسَادَ (12)**

من غير سوره البلد اللى ربنا قال **فَلَا اقْتَحَمَ الْعَقَبَةَ (11)** والناس خايفه تدخل دار الارقم ؛ فيه دعاه
عاوزين يوصلوا الدين من غير صراع الحق والباطل عشان كده ربنا فى سوره العصر **يَقُولُ إِلَّا الَّذِينَ**

آمَنُوا وَعَمِلُوا الصَّالِحَاتِ وَتَوَاصَوْا بِالْحَقِّ وَتَوَاصَوْا بِالصَّبْرِ (3) يبقی ده دین الصلاح و فیه ناس عاوزه تقف عند هنا لا فین التواصى بالحق وبالصبر وفین الاصلاح دول اربع شروط مع بعض من اجل النجاه ركزوا یا جماعه فی الكلام ده لان بكره فیه منكم ناس هیبقوا دعاه الی الله سبحانه وتعالی لازم نصدر للناس ان فیه حاجه اسمها صراع الحق والباطل (معركة)

یبقى لازم الداعیه یصاحب الناس ویتعب معاهم

٢/ تحمل الاذى وعدم السكوت على الباطل ولا تقول الحمد لله دا فیه دعاه اتشتموا فی برامج التوك شو وانا ما اتشتمتش لا لا انتوا بتحمدوا ربنا على ایه اذا كان النبی صلی الله علیه وسلم اتشتم واوذى عشان كده لیه سورة التکویر والانشقاق والانفطار یجی بعدها البروج والطارق لیه بعد الموجه التانیة اللى بتتكلم عن الدار الاخره جت الموجه التالته اللى بتتكلم عن صراع الحق والباطل او عوا تفتكروا ان الدین كلام عن الدار الاخره وبس لا دا فیه حاجه اسمها صراع الحق والباطل

عشان كده نهایه الجزء الثلاثون سورة النصر **وَرَأَيْتَ النَّاسَ يَدْخُلُونَ فِي دِينِ اللَّهِ أَفْوَاجًا (2)** البدايه كانت فی سورة النبأ والنبی صلی الله علیه وسلم بیشتتم على جبل الصفا وبیقال له تبا لك سائر الیوم نهایته كانت برده على جبل الصفا والناس جایین یبایعوا النبی صلی الله علیه وسلم یدخلوا فی الدین افواجا وجماعات

عشان كده كانت الجایزه **إِنَّا أَعْطَيْنَاكَ الْكَوْثَرَ (1)** والخیر الكثير

یبقى لو بدايه الطريق لو كان وما صاحبكم بمجنون التعرض للاذی والتعب مع الناس هتكون نهایه الطريق النصر والتمکین . النصر العظیم من عند الله سبحانه وتعالی اللى هیشتغل فی الدعوه هیثوف عطاءات ربنا فی كل حاجه عطاءات ربنا للسائرین فی الدعوه الی الله اعظم واکبر واجل من ای حاجه

وَلَقَدْ رَآهُ بِالْأَفْقِ الْمُبِينِ (23) النبی صلی الله علیه وسلم شاف سیدنا جبریل مرتین على هیئته ؛ المره الاولى لمانزل علیه سورة المدثر لما شافه على کرسی بین السماء والارض وجرى على السیده خدیجه وقال دثرونی ودى اللى مذكوره هنا

انما المره التانیه بقى فی سورة الاسراء

المراد انه لا تتهموه انه مغیب او بتجلیله صدمه او بیحلم لا لقد رآه

وَمَا هُوَ عَلَى الْغَيْبِ بِضَنِينٍ (24) ده معنى خطیر جدا على الغیب لما یقولك وقعت على الكنز فكأن الغیب ده كنز كان اللى وقع علیه مستحیل یسیبه كان اللى عرف الجنة والنار وسمع عنهم وعن الملائکه ونعرف ایه اللى ارضی لله

حد یکلما عن الشیاطین حد یکلما عن اللى بیحصل فی القبر فیه ناس بتقول ماتعقدوناش لكن النبی صلی الله علیه وسلم یقول من سره ان ینظر لیوم القیامه وکانه رای عین فلیقرأ اذا الشمس کورت

من سره یعنى دى حاجه تفرحنا لمارحد یکلما عن الغیب . المؤمن بیفرح بأى معلومه یعرفها عن الغیب وعن یوم القیامه والجنة والنار والقبر لان ده بیزود همته وبیقضى على الغفله الی هوا عایش فیها ودى

من فوايد الایه الخطیره أن الغیب ده کنز یجب انه یحرص کل مؤمن علی انه یسمع عن الجنه وعن النار باستمرار عشان یوصل لربنا سبحانه وتعالی

ضنین ؟ یعنی بخیل ؟ النبی صلی اللہ علیہ وسلم لم یبخل علیکم بأی شیئ علمہ عن الغیب وانتم تشتموہ وتتهموہ بالجنون وھو یفکر کیف یوصلکم الی اللہ لم یبخل علیکم بمعلومہ واحده توصلکم لربنا یبقی دہ جھد النبی صلی اللہ علیہ وسلم فی الدعوہ . لم یضن علیکم بأی معلومہ توصلکم لربنا سبحانه وتعالی یبقی کان عنده صلی اللہ علیہ وسلم صفہ التفانی والعقل والیقظہ وعدم البخل وحب الناس وتحملہم والصبر علی ایذائہم حتی یوصلہم الی اللہ

تعلم الداعیہ وتحضیرہ عن الجنہ والنار دا کنز لیہ لانہ؟ بیوصل الناس لربنا من خلال ھذا الکلام وھذا من الجھاد

وَمَا هُوَ بِقَوْلِ شَيْطَانٍ رَجِیمٍ (25)

یعنی نفی تھمہ انہ فیہ اتصال بینہ و بین الشیاطین یعنی عاوزین یقولوا انہ ساحر عایزین یرجموہ !!
یعنی بدأوا یمھدوا لقتلہ صلی اللہ علیہ وسلم من اول البعثہ عشان کدہ فی الآخر **فَأَیْنَ تَذْهَبُونَ (26)** علی فین یا شباب یا بنات یا امہ محمد علی فین وسایبین الطریق الوحید الموصل الی جنہ اللہ سواء فی الدنیا او فی الآخرہ ساییبن طریق النجاء الوحید ورایحین علی فین

فَأَیْنَ تَذْهَبُونَ السورہ دی یعنی تقریباً سابع سورہ نزلت یعنی فی العشرہ الاولی وربنا بیقول الرسالہ دی للعالم کلہ للعالمین

یعنی ثلاثہ اربعہ قاعدین فی دار الارقم وربنا بیقولہم مھمتکم تدعوا العالم کلہ فی رقتکم تربیہ الملتزمین فی رقتکم ہدایہ الکھر الارضیہ کلھا فی رقتکم انقاذ الکفار فی الدنیا کلھا فی رقتکم نشر الھدایہ فی الدنیا کلھا فی رقتکم فتح العالم فی رقتکم قبائل افریقیا وسکان القطب الشمالی وسکان غابات امریکا الشمالیہ والجنوبیہ ازای الناس دی تتعذب فی النار وانتوا عایشین مین اللی عایش عشان القرعان دہ یوصل للعالمین . القرعان اللی اتفتحت قلوب الصحابہ علیہ .

إِنْ هُوَ إِلَّا نِكْرٌ لِّلْعَالَمِينَ (27) لِمَنْ شَاءَ مِنْكُمْ أَنْ يَسْتَقِيمَ (28)

کلمہ الاستقامۃ دی کلمہ کبیرۃ اوی اوی وکلمہ لمن شاء ؛ لمن شاء دی یعنی ایہ یعنی حظ کل واحد منکم فی الطریق الی اللہ علی قدر رغبته الی اللہ یعنی اللی عاوز !! ماہی اصعب نوعیہ فی الدعوہ اللی مش عاوز فربنا بیقولہم اللی عاوز یستقیم دی اللی ہی ؟ الاستمرار ؟ کلمہ السر استمرار !! یعنی من اولھا ربنا ببشکل النفوس علی الاستمرار الاستمرار دہ تربیہ نفسیہ یا جماعہ ! مین اللی یقدر یکمل ؟!
ربنا بیربى الصحابہ علی الاستمرار لان النفسی البشریہ بطبیعتھا ملولہ ومش عاوزہ تکمل فی اورادھا وبتزھق بسرعه !! شایفین ربنا بیکلم الصحابہ بأیہ ؟! بیکلمہم عن یوم القیامہ فی السورہ دی وبیکلمہم عن التدبیر فی الکون الجمیل وبیکلمہم عن القرعان وعظمتہ وبیکلمہم عن صفات حامل الرسالہ من خلال سیدنا جبریل وبیکلمہم عن صفات حامل الرسالہ من خلال سیدنا محمد صلی اللہ علیہ وسلم وبیکلمہم عن ازای انہ تلقی الاذی وانہ تحمل کل دہ وبیکلمہم عن التربیہ النفسیہ وبیکلمہم عن الفن وکلام القرعان عن الفن بقی (**فَلَا أُقْسِمُ بِالْخُنَّسِ (15) الْجَوَارِ الْکُنَّسِ (16)**) ربنا یوصف الکون کلوحات فنیہ یا

جماعه ظباء بتجرى برشاقه مش نجوم فى السما !! دا الفن يا اخوانا القراءان بيكلمهم عن المراه وعن مكانه المراه وصناعه الحياه هوا ده القراءان ؛ بيكلمك عن كل حاجه عشان يفتح افقك لكل حاجه زى الزهره اللى بتتمو فى كل المحاور

وَمَا تَشَاءُونَ إِلَّا أَنْ يَشَاءَ اللَّهُ رَبُّ الْعَالَمِينَ (29) فى النهايه تعليق القلوب بمشينه الله ورحمه الله ؟
الافتقار بقى !! ان الوصول الى الله مش بالدراع وانما بالذل والإفتقار ؟ تربيه قلبيه بعد التربيه النفسيه
يعنى جميع انواع التربيه وجميع محاور التربيه !! سبحان الله العظيم سوره عظيمه عشنا معاها ورشفنا من انوارها
